

Вечером

Изменяемое №1

На Господи возвах:

*Стух:* Изведи из темницы душу мою, исповедатися имени Твоему.

*Стух:* Мене ждут праведницы, dondeже воздаси мне.

*Стух:* Из глубины возвах к Тебе, Господи, Господи, услыши глас мой.

*Стух:* Да будут уши Твои внимлюще гласу моления моего.

*Стух:* Аще беззакония назириши, Господи, Господи, кто постоит; яко у Тебе очищение есть.

*Стух:* Имене ради Твоего потерпех Тя, Господи, потерпел душа моя в слово Твое, упова душа моя на Господа.

*Стух:* От стражи утренния до ночи, от стражи утренния, да уповает Израиль на Господа.

**Глас 2:** Терпяще настоящая доблественно, / радуящиеся надеемыми, / друг ко другу глаголаху святии мученицы: / не бо риз совлачимся, / но ветхаго человека отлагаем. / Люта зима, но сладок рай, / болезнен лед, но сладко восприятие, / не уклонимся убо, о воини! / мало претерпим, / да венцы победными увяземся / от Христа Бога и Спаса душ наших.

*Стух:* Яко у Господа милость, и многое у Него избавление, и Той избавит Израилья от всех беззаконий его.

Терпяще настоящая доблественно, / радуящиеся надеемыми, / друг ко другу глаголаху святии мученицы: / не бо риз совлачимся, / но ветхаго человека отлагаем. / Люта зима, но сладок рай, / болезнен лед, но сладко восприятие, / не уклонимся убо, о воини! / мало претерпим, / да венцы победными увяземся / от Христа Бога и Спаса душ наших.

*Стух:* Хвалите Господа вси языцы, похвалите Его вси людие.

Мещуще одеяния вся, / входяще без трепета во озеро, / друг ко другу глаголаху святии мученицы: / за рай, егже погубихом, / риз тленных днесь не пощадим, / змия ради иногда тлетворнаго

облечѣни бѣвшѣ,/ совлечѣмся нынѣ за всех воскресѣние,/ пренебрежѣм лед растающійся и плоть возненавидим,/ да венцы побѣдными увязѣмся/ от Христѣ Бѣга и Спаса душ наших.

*Стѣх:* Яко утвердѣся мѣлость Егѣ на нас, и истина Господня пребывает во вѣк.

Видяще яко наслаждѣние мѣки,/ текуще ко ѣзеру студену, яко к теплотѣ,/ глаголаху святѣи мѣченицы:/ не устрашимся часа зимнаго,/ да страшныя геѣнны огня убежим;/ сожжена буди нога,/ да ликовствуѣт вѣчно,/ рука же отъемлѣма,/ да воздѣется ко Господу./ И не пощадим естества умирающаго,/ изволим смѣрть, да венцы побѣдными увязѣмся/ от Христѣ Бѣга и Спаса душ наших.

*Слѣва, глас тойже:* Терпяще настоящая дѣблественне,/ радующѣся надѣемыми,/ друг ко другу глаголаху святѣи мѣченицы:/ не бо риз совлачимся,/ но вѣтхаго человека отлагаем./ Люта зима, но сладок рай,/ болѣзнен лед, но сладко воспрѣятие,/ не уклонимся убо, о воини!/ Мало претѣрпим,/ да венцы побѣдными увязѣмся/ от Христѣ Бѣга и Спаса душ наших.

*И нынѣ, Богородичен:* Прейде сѣнь законная,/ благодати пришедши:/ якоже бо купина не сгарашѣ опаляѣма,/ тако Дева родила еси/ и Дева пребыла еси./ Вместо столпа огненнаго/ праведное возсия Солнце,/ вместо Моисея – Христос,/ спасѣние душ наших.

*<далее см. основной Чин>*

[Изменяемое №2](#)

[Прокѣмен после «Свѣте тихий»:](#) *См. Прокѣмен дня <далее см. основной Чин>*

[Изменяемое №3](#)

[Паримии:](#)

*Прорѣчества Исѣиина чтѣние (глава 43):*

Тако глаголет Господь:/ вси язѣцы собрашася вкупе, и соберутся князи от них./ Кто возвестит сѣя в них?/ Или, яже от начала, кто слышана сотворит вам?/ Да приведут свидѣтели своя, и оправдятся,/ и да услышат, и да рекут истину./ Будите Ми свидѣтели,/ и Аз Свидѣтель, глаголет Господь Бог,/ и отрок, егѣже избрах./ Да познаете и веруете Ми/ и разумѣете, яко Аз есмь,/ прежде Мене не бѣсть ин бог, и по Мне не будет./ Аз есмь Бог,/ и несть, разве Мене, спасаѣя./ Аз возвестих и спасох,/ уничижих и не бе в вас чуждѣй./ Вы Мне свидѣтели, и Аз Господь Бог,/ и ещѣ от начала Аз

**э́смь,/ и не́сть от рук Мо́их избавля́й./ Сотворю́, и кто отврати́т то?/  
Си́це глаго́лет Госпо́дь Бог,/ избавля́й вас Святы́й Изра́илев.**

*Премудрости Соломо́ни чтéние (глава́ 3):*

**Пра́ведных ду́ши в ру́це Бо́жией, и не прико́снется их му́ка./  
Непщевáни бы́ша во очесéх безумных умрети́,/ и вменíся  
озлоблéние исхо́д их./ И э́же от нас шéствие – сокрушéние,/ онí же  
су́ть в ми́ре./ Ибо́ пред лицéм челове́ческим áще и му́ку при́мут,/  
упова́ние их безсме́ртия испо́лнено./ И вма́ле нака́зани бы́вшие,/  
вели́кими благоде́тельствовани бу́дут,/ я́ко Бог искуси́ я и обрете́ их  
достóйны Себе́./ Я́ко зláто в горни́ле, искуси́ их/ и, я́ко всепло́дие  
жéртвенное, при́ят я./ И во вре́мя посещéния их возсия́ют/ и, я́ко  
и́скры по стéблию, потеку́т./ Су́дят язы́ком и облада́ют людьми́,/ и  
воцари́тся Госпо́дь в них во ве́ки./ Наде́ющиися На́нь, разумéют  
и́стину/ и ве́рнии в любви́ пребу́дут Емú,/ я́ко благода́ть и ми́лость в  
преподóбных Егó/ и посещéние во избрáнных Егó.**

*Премудрости Соломо́ни чтéние (главы́ 5 и 6):*

**Пра́ведницы во ве́ки живу́т,/ и в Го́споде мзда их, и попечéние их у  
Вы́шняго./ Сего́ ра́ди при́мут Цáрствие благоле́пия и венéц  
добро́ты от руки́ Госпо́дни,/ занé десни́цею покрýет я и мýшцею  
защити́т их./ При́мет всеору́жие – рвéние своé/ и воору́жит тва́рь в  
ме́сть враго́м./ Облечéтся в броня́ пра́вды/ и возложи́т шлем – суд  
нелицемерен./ При́мет щит непобеди́мый – преподóбие./ Поостри́т  
же напрáсный гнев во ору́жие,/ спобóрет же с ним мир на безумныя./  
По́йдут праволучныя стрéлы мо́лниины/ и, я́ко от благокру́гла лу́ка  
облако́в, на наме́рение полетя́т./ И от каменомéтныя я́рости испо́лнь  
падúт гра́ды./ Вознегодúет на них вода́ морская́,/ ре́ки же потопя́т я  
на́гло./ Сопроти́в ста́нет им дух си́лы/ и, я́ко ви́хор, развéет их,/ и  
опустоши́т всю зéмлю беззакóние,/ и злоде́йство преврати́т  
престо́лы си́льных./ Слы́шите úбо, ца́рие, и разумéйте,/ навы́кните,  
судии́ концев земли́./ Внуши́те, держа́щи мно́жества/ и гордя́щийся  
о наро́дах язы́к./ Я́ко данá э́сть от Го́спода держа́ва вам/ и си́ла от  
Вы́шняго.**

*<далее см. основной Чин>*

*Изменяемое №5*

По полиелéи седáлен глас 5:

Святы́х му́ченик удо́брение, четверосвѣтлое се и Богособранное,/ четы́редесяти мно́жество во́ин во́истинну,/ мразом же и огнём иску́сившеся, му́дрии,/ показáшася во́ини всех Царя́ Христá,/ Егóже и мо́лят спасти́ся нам.

*Слáва, и ны́не, Богородичен:* Себѣ прѣжде Судá ны́не пла́чу,/ помышляя мо́я дела́ лука́вая и лю́тая/ и прегрешѣний глубинú, совозра́стшую мне от ю́ности, Чíстая,/ и сподавляющую ум,/ но Тво́им предстáтельством оставлѣние мне пода́жды/ и спасѣние улúчити сподóби.

[Изменяемое №6](#)

[Степѣнна, 1-й антифóн 4-го гласа.](#)

[Прокíмен](#) *глас 4:* Проидóхом сквозѣ óгнь и во́ду,/ и извѣл ны есí в покóй. *Стих:* Разжѣгл ны есí, я́коже разжизáется сребрó.

*<далее см. основной Чин>*

[Изменяемое №7](#)

[По 50-м псалмѣ стихíра](#) *глас 2:*

Прорóчески úбо вопия́ше Давíд во псалмѣх:/ проидóхом сквозѣ óгнь и во́ду,/ и извѣл ны есí в покóй./ Вы же, му́ченицы Христóвы,/ самѣми дѣлы слóво исполня́юще,/ проидóсте сквозѣ óгнь и во́ду и внидóсте в Цáрство Небѣсное./ Тѣмже молíтеся, четы́редесяте сýще страдáльцы,/ даровáти нам вѣлию мíлость.

*<далее см. основной Чин>*

[Изменяемое №8](#)

[Канóн пѣрвый му́чеников](#) *глас 2.*

*Песнь 1*

*Ирмос:* Грядíте, лю́дие,/ по́йм пѣснь Христú Бóгу,/ раздѣльшему мóре и настáвльшему лю́ди,/ я́же изведѣ из рабóты егíпетския,/ я́ко прослáвися.

Боговенчáнный полк по́ю му́чеников Христóвых, Богодухновѣнными пѣсньми, четы́редесяти,/ лѣтнюю пáмять свѣтло торжествúяй,/ я́ко прослáвися.

На землí всегó отвѣргшеся именовáния,/ извóлиша четы́редесяте христоимѣнное звáние,/ íмже ны́не в Вы́шних живúт.

Сýщий во Христѣ, плóть и мир возненавíдевше,/ вѣтхаго úбо чело́века совлекóстеся со приврѣменною одѣждою,/ во одѣжду же нетлѣния облекóстеся.

**Богорóдичен:** Кто изрещи́ Твое́ по досто́инству возмо́жет па́че сло́ва зача́тие?/ Бо́га бо родила́ еси́ плóтию, Пречы́стая,/ нам явльшагося, Спа́са всех нас.

Други́й канóн *глас и ирмо́с то́йже.*

#### Песнь 1

Бо́га нам, мученицы четы́редесяте,/ ны́не благопремённа сотвори́те моли́твами ва́шими,/ чы́стою сёрдца любóвию призы́вающим вас.

На Небесéх трисóлнечнаго сия́ния заря́ми просвещáеми, четы́редесяте,/ на земл́и измёрзшия зимóю напáстей,/ покрýйте ны, пою́щия вы.

Неразори́ма благочéстия и непоколеб́имая Цёркве забра́ла, четы́редесяте,/ христоимени́тое зва́ние лю́те смущáемаго ны́не умири́те.

**Богорóдичен:** Преестéственно над все́ми сýщаго родила́ еси́ Зижди́теля и Го́спода,/ плóть б́ывша нас ра́ди, человек,/ Де́во Богорóдице Ма́ти Неискусому́жная.

#### Песнь 3

**Ирмо́с:** Утверди́ нас в Тебе́, Го́споди,/ Дрэвом умерщвлéй грех,/ и страх Тво́й всади́/ в сердца́ нас, пою́щих Тя.

Во́инство, и жи́знь, и красоту́ телéс,/ и богáтство пренебрéгше,/ благосла́внии четы́редеся́ть Христа́ вме́сто всех насле́доваша.

Ка́мением неща́дно четы́редесяте повелéнием би́еми мучи́телевым,/ метáния Бо́жиим Ду́хом на повелева́ющий возвра́щахуся.

Глаго́лаше на самаго́, мучи́телевыми устна́ми зми́й созда́вшего хулу́,/ но того́ богобо́рная уста́ на мученики ка́меньями сокруша́ются.

**Богорóдичен:** Без се́мене во утробе́ Бо́га зачала́ еси́/ и ро́ждши нескза́нно вопло́щшася,/ на Него́же зрéти не сме́ют, Чы́стая, Небесны́я си́лы, Присноде́во.

*Ин, ирмо́с то́йже.*

Во́инство мученическое/ и спря́женный ли́че мученик венце́носец, Влады́це предстоя́ще,/ восхваля́ющия вы пр́исно спаса́йте.

Ёзером страстэй обуреваемыи и волною напастей лютых,/ к вам, четыредесетем Христовым воином, прибегаем.

В недрах Авраамовых согреваемыи и славною одеждою украшамыи,/ зимою обстояния связанных разрешити помолитесь.

**Богородичен:** Утверждение буди, и прибежище, и покров, Деве Богоневесто,/ верою к Тебе прибегающим/ и Божию Тя Матерь исповедающим.

**Седален, глас 8:** Христу ввоинившеся мученически,/ врага низложивше страдальчески,/ дела исполните пророка глаголы:/ сквозе бо огнь и воду мужески проидосте,/ покой обретше, жизнь нетленную./ Темже Небесными украсшеся венцы,/ с лики веселитесь бесплотных, блаженнии страстотерпцы прехвальнии,/ молити Христа Бога грехов оставление даровати/ чтущим любовью святую память вашу.

**Слава, и ныне, Богородичен:** В напасти многоплетенныя впад от враг видимых и невидимых,/ бурею одержим безчисленных согрешений моих,/ и яко к теплomu заступлению и покрову моему, Чистая,/ ко пристанищу притекаю Твоея благодости./ Темже, Пречистая, из Тебе Воплощенному безсеменно/ молися прилежно о всех рабах Твоих,/ непрестанно молящих Ти ся, Богородице Пречистая,/ молящи Его присно согрешений оставление даровати/ воспевающим достойно славу Твою.

#### Песнь 4

**Ирмос:** Услышах, Господи,/ слух Твоего смотрения/ и прославих Тя,/ Еди́не Человеколю́бче.

Умовредуете, – глаголаху страдальцы, –/ странную тщету всеу простирающе, пребезбожнейшии.

Изощрены мечи, и звери, и огнь, и крест святым/ Христовы гонители простираху.

Страшен нам, – глаголаху страдальцы, – огнь геенский,/ нынешняго же, яко клеветы, не убоймся.

Да отъяты будут руки, сожжена же буди нога,—/ снятии вопияху, —  
нетленны бо сия паки приимем.

*Богородичен:* Молим Тя, Пречистая, Бога безсеменно зачэншую,/   
присно молитися за рабы Твоя.

*Ин, ирмос тойже.*

Просвещение нам, мученицы, от Бога бысте,/ в сияние бо  
облекостеся неприсенное.

Богоизбранный, молися, соборе мученик венценосный,/ избавити  
бед воспеваящия тя.

Свет непреступный, святии, Христов видети сподобльшесе,/   
сущия во тме сияти удостойте.

Облистаяюще, славному, мысленным Христа светонаставлением,/ к  
зарі Божественной руководствуйте.

*Богородичен:* Песнословяще, Чистая, из утробы Твоея  
воплощагося,/ Тя славословим, яко Божию Матерь.

#### Песнь 5

*Ирмос:* Света Подателю и веков Творче, Господи,/ во свете Твоих повелений  
настави нас:/ разве бо Тебе, иного бога не знаем.

Неистовством пребезумным гонителей/ страдальцы под воздухом  
на студени обноществовати осудившесе,/ воспеваху пение Богу  
благодарственное.

Радующесе четыредесяте Христовы мученицы,/ болезненный  
претерпевше лед, во эзере стояще,/ надежду Божественных  
венцев укрепляеми.

Смех предлагається четыредесятем Христовым мучеником,/   
удавлен быв прежде гнездящийся в водах змий,/ пагубородныя бо  
крепости лишися.

*Богородичен:* Тебе, рождшей Христа, всех Зиждителя, зовем:/   
радуйся, Чистая, радуйся, возсиявшая Свет нам,/ радуйся, вмещая  
Бога Невместимаго.

*Ин, ирмос тойже.*

Неистовства еретического, четыредесяте,/ и ныне избавите  
Христову честную Церковь,/ в нейже рождшесе, в толико  
достойнство и славу преминусте.

Явльшеся нам, четы́редесяте Христóвы мученицы Богозáрнии,/ огневíднии светíльницы,/ просвещáют вёрным благочестия пúть спасительный.

От земли престáвистеся к Небёсней сéни, мученицы,/ идéже Христú Подвигополо́жнику предстояще,/ Божéственныя мя рáдости уллучíти сподóбите.

*Богорóдичен:* Яко непостижímое и неудобозрímое всякому, Влады́чице,/ ёже пáче умá та́инство, Отрокови́це, Божéственного Твоегó рождествá,/ сýщаго бо во́истинну Бóга нам родилá еси́.

### *Пёснь 6*

*Ирмóс:* В бéздне грехóвней валя́яся,/ неизслéдную милосёрдия Твоегó призывáю бéздну:/ от тли, Бóже, мя возведí.

Рáдостне началозлóбный восхитí, яко от двоюна́десяти Иúду ока́ннаго,/ и от Едéма челове́ка, от четы́редесяти отпáдшаго.

Безстúден сый, всúе шатáяся,/ якоже бо разбóйником и Матфíем пёрвее,/ тáко и ны́не мучíтель стрегúщаго звáнием осудíся.

Суемúдренный и рыдáния достóин, íже животóв обо́их погрешí,/ огнём бо растáяся и ко огню́ оты́де негасímому.

*Богорóдичен:* Неискусомúжно, Дéво, родилá еси́/ и вéчнуеши Дéва, явля́ющи íстиннаго Божества́,/ Сы́на и Бóга Твоегó, óбразы.

*Ин, ирмóс тóйже.*

Бодрствующий и трезвеннии хранíтелие рóда челове́ческаго явíстеся, держáвнии,/ и молíтвенницы молéний,/ помóщницы же печáльных постáвистеся.

Непристúпными сия́юще добрóтами в Цёркви Христóве, всехвáльнии,/ искушéний избáвите с любóвию вас почита́ющих.

Бесящихся мучíтелей всеизрýднии дрéвле потребíтелие прéлести бы́сте/ и нам ны́не пóмощь скóрая и стенá бúдите.

*Богорóдичен:* На Тя уповáние возложíх, Мáти Приснодéво, спасéния моегó/ и Тя Предстáтельница положíх жízни,/ твёрду же и непоколебíму.

*Конда́к, глас 6.* Все во́инство ми́ра оста́вльше,/ на Небесéх Влады́це прилепíстеся,/ страсотéрпцы Господни четы́редесять,/ сквозé о́гнь бо и во́ду прошéдше, блажéннии,/ достóйно восприя́сте сла́ву с Небес/ и венцéв мнóжество.

*И́кос:* На престóле непристúпнем седя́щему,/ простéршему Не́бо, я́ко ко́жу,/ и зéмлю утвердívшему,/ и собрав́шему во́ды в сóнмы их,/ вся от не сýщих сотвор́шему бы́ти/ и всем пода́юще дыхáние и живóт,/ приéмлющему от Архáнгел пéние, и от А́нгел покланя́емому,/ и от всех сла́вимому, Христú Вседержíтелю,/ Зиждíтелю и Бóгу нáшему, припада́ю, недостóйный,/ принося́ моé молéние, слóва благодáти прошú:/ да возмо́гу благочéстно воспéти и аз святы́я,/ я́же Сам показáв победíтели,/ дарова́в им сла́ву с Небес и венцéв мнóжество.

#### *Пéснь 7*

*Ирмо́с:* Образу златóму, на по́ле Де́уре служíму,/ триé Твои́ о́троцы небрегóша безбóжнаго велéния,/ посреде́ же о́гня звéржени, ороша́еми, пояху:/ благословéн еси́, Бóже отéц нáших.

Ужасéся, зря венцы́, страж четы́редесяти,/ и, отринув любожíзненное, вперíся рачéнием явлéнныя Твоея́ сла́вы,/ и с мýченики поя́ше:/ благословéн еси́, Бóже отéц нáших.

В ба́ню притéк душетлénну, умерщвля́ется жизнóлюбный;/ христалóбец же, хищник изряднейший вíденных быв,/ я́коже в ба́ни нетлéния с мýченики поя́ше:/ благословéн еси́, Бóже отéц нáших.

Огнó мýсленному, возжéну во умéх четы́редесяти,/ многокóзненное нечéствующих поपालя́шеся безúмие,/ я́коже нéкий воск та́емь./ Тебé же, Христé, воспева́ху:/ благословéн еси́, Бóже отéц нáших.

Я́ко зело́ светла́, благолéпна же, Христé, Крестá Твоегó сíла,/ протívными венцы́ плетúщи четы́редесятим мýчеником./ Во́ду бо и о́гнь прошéдше, в нетлéнии зовúт:/ благословéн еси́, Бóже отéц нáших.

*Богорóдичен:* Тя купинú Моисéй в горé Синáйстей огнепалíмую, Чíстая, предзря́ше,/ понéсшую неопáльно нестерпíмую зарю́

неизреченнаго Существа,/ соединившагося дебелству́ плоти,/ еди́ныя в ней святы́х Ипостáсей.

*Ин, ирмос то́йже.*

Настá свѣтло лѣтняя ва́ша па́мять, всебогáтии,/ просвещáющи далѣче сия́ющая поста́ свѣтлостію./ Сію́ прáзднующе вѣрою, с ва́ми воспевáем:/ благословѣн еси́, Бóже отѣц на́ших.

Решíteлие страстѣй и свѣтільницы, издалѣча сия́ющи,/ мíра очищѣние, прѣлести разрушѣние,/ велегласнии ѳистины проповѣдницы,/ лжи прогонíteлие всем яв́истеся, по́юще:/ благословѣн еси́, Бóже отѣц на́ших.

Светíла мýсленная, сия́юще нам, яв́истеся, мýченицы,/ обуреваемы́я спаса́ете и наставля́ете пла́вающимъ,/ житія́ волнующіяся бурею, Христú воспевáюще:/ благословѣн еси́, Бóже отѣц на́ших.

Красно́ Бóгу и А́нгелом возжелѣнно,/ четы́редесяте Богособра́нное, и Богодухновѣнное, и пресвѣтлое ополчѣние,/ Божѣственное и стра́шное всеоружіе вопі́юще и глаго́люще:/ благословѣн еси́, Бóже отѣц на́ших.

*Богорóдичен:* Светíльник Свѣта, и о́блак свѣтел,/ и свящѣнія мѣсто показáся, Неискусобра́чная,/ ѳбо святы́х Свята́го Сло́ва пріят несказáнно./ Егóже по́юще, взывáем:/ благословѣн еси́, Бóже отѣц на́ших.

### *Пѣснь 8*

*Ирмос:* В пѣщь о́гненную ко отроко́м еврейскимъ снизшѣдшаго/ и пла́мень в рóсу прелóжшаго Бóга,/ по́йте, делá, яко́ Гóспода,/ и превозно́сите во вся вѣки.

Неѳстовно страдáльцем поустíв врагъ всяко́ здáние, все́ми постыдѣся,/ четы́редесять бо непрестáнно по́ют Гóспода/ и превозно́сят во вся вѣки.

Немíлостивно за Христá телѣс ва́ших úды сокру́шшеся,/ всесожжѣние Божѣственно принесóстеся Бóгу,/ со А́нгелы прісно ликúете, мýченицы, по́юще Христá во вѣки вся.

Крѣпостию смѣсла, егѡже рѡди, на рамена взѣмши, христороубивая мати,/ благочѣстия плод приносит, с мученики мученика,/ священнодѣйству Авраамову подобящися.

К непрестанней жизни правотечно, о сыне, твори шествие, –/ христороубивая мати христороубивому дѣтищу вопияше, –/ не терплю тебе второе, Подвигоположнику Христу явиться.

*Богородичен:* Иже в недрах Отчих/ нераздельно же Сына сидящаго, в вещественней чреве Твоем всельшася, Чистая,/ поем, Дѣво Богоневѣсто, и превозносим во вся вѣки.

*Ин, ирмос тойже.*

Претворшеся к жизни истинней, еже о Христѣ ныне сокровенней,/ к зимней и болезненной кончине, дѡблии, крѣпко вдастеся,/ спасѣния и оставлѣния просяще нам.

От земли к Небесным прешѣдше, страдальцы венцѡсцы,/ Цѣркви мученик победоносных лице,/ бед, страстей, обстояний избавлѣния просите нам и спасѣния.

Расторг смѣрти узы Спас, страдальцем победы подаде на смѣрть,/ четыредесять бо, мразом согреваемы, пояху/ и спасѣния всем верным просяще.

Напастей прилоги, нападение страстей, демонов искушения/ Божественный страстѡсец лик молитвою изымает яве/ от поющих Христа во вѣки.

*Богородичен:* Умерщвлѣныя и к персти смѣртней и тлѣнию сведѣныя воскресила еси,/ Единая, Начальника жизни рѡдши, Христа Бѡга нашего,/ Владычице Дѣво, Чистая Богородительнице.

[Пѣснь Богородицы:](#) Величит душа моя Господа: *<см. основной Чин>*

#### *Пѣснь 9*

*Ирмос:* От Бѡга Бѡга Слова,/ неизреченною мудростию пришедшаго обновити Адама,/ ядию в тлѣние падшаго люте,/ от святѣя Дѣвы неизреченно воплотившагося нас ради,/ вернии, единомудренно пѣснями величаем.

За Христа обнажившеся и камением биѣни бѣвше,/ воздушную претерпѣсте зимность,/ водный лед и сокрушение удѣс и, огнем опальшеся,/ в рѣчней сияете быстрине издалежа,/ якоже светила, мученицы четыредесяте.

Жезл сілы Божественныя, крест стяжавше,/ вопіяху Христу  
страдалицы четыредесяте:/ Владыко Всесильный Победителю,  
рукою Твоею да венчаемся,/ да вси Тя пѣснями непрестанно  
величаем.

Яко болѣзнен убо лед, якоже зело безмерна лютость,/ юже  
претерпѣсте, мрѣза, но сладок рай,/ Авраамова бо недра патриарха  
греют вас в сѣлех вѣчных, мученицы четыредесяте.

Победивше страданьями и венцы приимше от Божественныя  
Владычии десницы,/ ныне даровати молитесь мир миру и нам  
спасение, мученицы четыредесяте.

*Богородичен:* Невѣсто Мати Дѣво,/ Ангельская множества Твоего  
молят Сына,/ приими моление наше, едина надежде верных,/ и мир  
миру и нам спасение, Тебе любящим, даруй.

*Ин, ирмос тойже.*

Преестественныя зари, и радости несказанныя, и славы  
сподобистесь улучшить,/ ныне же любовь чуждую вас/ напастей, и  
бед, и лукавствія избавите вражия,/ Христовы воины, мученицы  
четыредесяте.

Силу, пребогатию, Божественную с Небесъ приимше и крепость,  
союзницы Христовы,/ лести прогонителие бысте, отгоняюще всяку  
идольскую мглу непостоянную/ и просвѣщающе мир, мученицы  
четыредесяте.

Украшшесь добротой честнаго мучения/ и Божественнаго  
причастницы бывше естества,/ войстинну радуетесь, Свету  
срастворившесь светлѣйшему и чистому,/ Христовы воины,  
мученицы четыредесяте.

Ныне Христу предстояще благочестивым дерзновением/ и отонуду  
Божества светом облистаети, славнии,/ восхваляющия вы зарю  
осветитися трисияною/ прилежно молитесь, мученицы четыредесяте.

*Богородичен:* Явльшися, Дѣво, души моея примрак/ света Твоего  
невещественными блистаньями озари, двере Божественнаго Света,/ и  
огня вѣчнаго избавитися сподоби, Чистая,/ верою и любовью  
пѣснями Тя величающаго.

*<далее см. основной Чин>*

Светилен:

Десятицу четверочисленную, победоносный полк,/ воинство святых мученик воспойм достойно,/ огнем бо, и студению, и водою посрамша враждебных полки/ и от Христа Спаса венцы пришла славы.

*Слава:* Лик четверодесятчисленный мучеников четыредесяти,/ Пребожественная Троица добродетелей четверичных,/ огня, воздуха, воды и земли, стихий четырех,/ песнями Божественными да воспоеется,/ яко за Христа пострадавший, всех Владыце.

*И ныне, Богородичен:* Владыку всея твари рождши, Мати Деве,/ и всяческих, яко сущи Отроковица,/ о Владычице Богородице, страстей мучительствующих мя исхити/ и проводи к милосердия осиянию/ и к прекрасной пасце воскресшего Сына Твоего.

<далее см. основной Чин>

На стиховне стихиры

*Стихиры Октоиха.*

*Слава, святых, глас 6:* В песнопениях восхвалим, вернии,/ страстотерпцев четыредесять мучеников/ и к ним сладкопесенно возопийм, глаголюще:/ радуйтесь, страдальцы Христова,/ Исихие, Мелитоне, Ираклие,/ Смарагде и Домне,/ Евнике, Уале и Вивиане,/ Клавдие и Приске./ Радуйтесь, Феодуле, Евтихие и Иоанне,/ Ксанфие, Илиане, Сисиние,/ Кирие, Аггие, Аетие и Флавие./ Радуйтесь, Акакие, Екдикие, Лисимахе,/ Александре, Илие и Горгоние,/ Феофиле, Дометиане, и Божественный Гаие, и Горгоние./ Радуйтесь, Евтихие и Афанасие,/ Кирилле и Сакердоне,/ Николае и Валерие,/ Филоктиме, Севериане и Худие./ Яко имущии дерзновение ко Христу Богу нашему,/ мученицы всечестнии,/ Того прилежно молитесь/ спастися верою совершающим всечестную память вашу.

*И ныне:* Богородице, Ты еси лоза истинная,/ возрадившая нам Плод живота,/ Тебе молимся:/ молися, Владычице, со святыми апостолами/ помиловати души наша.

<далее см. основной Чин>

По 1-м стихословии седальны глас 4:

Честную твердь церковную,/ яко звезды величайшия, просвещаете  
присно и верныя озаряете,/ мученицы Божественнии Христовы  
четырешадесяте.

*Слава, и ныне, Богородичен: <далее см. основной Чин>*

Изменяемое №12

По 2-м стихословии седальны глас 4:

Мужественнейшим помыслом прешедше мучение, чуднии  
страстотерпцы,/ сквозь огонь и воду проидосте и преминусте ко  
спасения широте,/ наследие приемше Небесное Царство,/ в немже  
творите о нас Божественныя мольбы,/ мудрии четырешадесяте.

*Слава, и ныне, Богородичен: <далее см. основной Чин>*

Изменяемое №13

Тропарь глас 1:

Страстотерпцы всечестнии,/ воины Христовы четырешадесяте,  
твердии оружницы,/ сквозь бо огонь и воду проидосте/ и Ангелом  
сограждане бысте,/ с нимиже молитесь Христу о иже верою  
хвалящих вас/ Слава Давшему вам крепость,/ слава Венчавшему  
вас,/ слава Подававшему вами всем исцеления.

*Ин тропарь, глас 3:*

Страстотерпцы Христовы четырешадесяте,/ во граде Севастийстем  
мужественно пострадавшии,/ чрез огонь и воду прошедшии,/ в покой  
вечный вшедшии,/ молитесь о нас ко Господу,/ да жизнь мирну  
сохранит/ и души наша спасет, яко Человеколюбец.

*<далее см. основной Чин>*

Изменяемое №14

На хвалитех стихирь:

*Стих: Сотворити в них суд написан./ Слава сия будет всем преподобным Егб.*

*Стих: Хвалите Бога во святых Егб./ хвалите Егб во утвержении силы Егб.*

*Стих: Хвалите Егб на силах Егб./ хвалите Егб по множеству величества Егб.*

*Глас 5.* Приидите, мученический, братие,/ с похвалами воспойм  
полк,/ мразом и огнем опальшийся/ и прелести зиму разжженною  
ревностию попавший,/  
воинство доблестнейшее,  
священнейший собор,/ защищение же неразрушимо и непобедимо,/

вѣры забра́ла и хранітели,/ мученик четы́редесяти лик  
Божественный,/ Цѣркве ходата́я,/ си́льне моля́щая Христа́/  
низпосла́ти душа́м на́шим мир и ве́лию ми́лость.

*Стѹх:* Хвалі́те Егѡ во гла́се тру́бнем,/ хвалі́те Егѡ во псалтѹри и гу́слех.

Прииді́те, мученический, бра́тие,/ с похвала́ми воспо́йм полк,/  
мра́зом и огне́м опальши́йся/ и прѣлести зи́му разжже́нною  
ре́вностию попалѹвши́й,/ во́инство до́блественнейшее,  
свяще́нейший собо́р,/ защище́ние же неразруши́мо и непобеди́мо,/  
вѣры забра́ла и хранітели,/ мученик четы́редесяти лик  
Божественный,/ Цѣркве ходата́я,/ си́льне моля́щая Христа́/  
низпосла́ти душа́м на́шим мир и ве́лию ми́лость.

*Стѹх:* Хвалі́те Егѡ в тимпа́не и ли́це,/ хвалі́те Егѡ во стру́нах и орга́не.

Ра́дуйся, собо́ре кре́пкий и терпели́вый/ и победи́тельное  
ополче́ние,/ столпы́ благоче́стия,/ во́ини Христо́вы,/ тве́рдии  
ору́жницы и непобеди́мии,/ умо́м пресильни́и и душе́ю  
му́жественнейши́и,/ вои́стинну Божественни́и,/ Бо́гу возжелѣ́нный  
лик святы́й,/ Богоизбра́нный сонм, мученицы четы́редесяте,/ и́же  
ра́вны страда́нием, ра́вны и нра́вом,/ и, ра́вныя и венцы́ приѣмше,/  
Христа́ моли́те/ дарова́ти душа́м на́шим мир и ве́лию ми́лость.

*Стѹх:* Хвалі́те Егѡ в кимва́лех доброгласных, хвалі́те Егѡ в кимва́лех  
восклица́ния./ Вся́кое дыха́ние да хва́лит Го́спода.

Ра́дуйся, победоно́сное мно́жество,/ и́же на бранѣх до́бле  
му́жествовавшие,/ зве́зды, прошѣдше сквозѣ́ огнь и стѹдены́/ и  
водны́й лед разсы́павше,/ зе́млю онебесѹвше и вся просветѹвше,/ в  
не́драх Авраа́мовых ны́не гре́емии/ и со А́нгельскими лику́юще  
во́инства,/ мученицы четы́редесяте,/ цвѣти, дыха́ющии благово́ние  
су́що духо́внаго раздая́ния,/ Христа́ моли́те/ душа́м на́шим дарова́ти  
ве́лию ми́лость.

*Сла́ва:* Страстоте́рпцы Христо́вы,/ всечестны́й пост све́тльший/  
содѣласте па́мятию ва́шего сла́внаго страда́ния,/ четы́редесять бо  
су́ще, четы́редесятницу освяща́ете,/ спаси́тельней стра́сти  
уподо́бившеся/ ва́шим за Христа́ страда́нием./ Те́мже, имѹще  
дерзнове́ние,/ моли́теся в ми́ре дости́гнути нам/ в тридне́вное  
воскресе́ние Бо́га и Спа́са душ на́ших.

*И ныне, Богородичен: <см. основной Чин>*

*Изменяемое №15*

Кондак *глас 6:*

Все во́инство ми́ра оста́вльше,/ на Небесéх Влады́це  
прилепíстеся,/ страсотéрпцы Господни четы́редесять,/ сквозé огонь  
бо и во́ду проше́дше, блаже́ннии,/ досто́йно восприя́те сла́ву с  
Небéс/ и венце́в мно́жество.

*<далее см. основной Чин>*

### На Литургии

*Изменяемое №20*

Прокíмен, *глас 5:* Ты, Го́споди, сохрани́ши ны/ и соблюде́ши ны от  
ро́да сегó и во век. *Стих:* Спаси́ мя, Го́споди, я́ко оскуде́  
преподóбный.

*Изменяемое №21*

Аллилу́ия, *глас 4:* Воскли́кните Го́сподеви, вся земля́, по́йте же и́мени  
Его́. *Стих:* Я́ко искуси́л ны еси́, Бо́же, разже́гл ны еси́, я́коже  
разжиза́ется сребро́.

*Изменяемое №22*

Прича́стен: Ра́дуйтеся, пра́веднии, о Го́споде: